

Protocol no. 95
Sezzüda da lündeschdi, 4 avrigl 2011, 20.00 – 23.10

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol) Urs Wohler (tractanda 817)

817 830 **TURISSEM**
Organisaziun turistica illa regiun

Il directur da la TESSVM (Tourismus Engadin Scuol Samnaun Val Müstair AG), Urs Wohler, preschainta lur nouva organisaziun cun tuot las lezchas chi han dad executar. El infuormescha al Cussagl cumünal eir sur da las finanzas. Davo la preschantaziun ha mincha cusglier pudü far dumondas o remarchas.

Protocol

Il protocol no. 94 da la sezzüda dals 28 marz 2011 vain approvà.

818 021 **FABRICA**
Berta ed Oskar Schwarz – Müdar oura fanestras e diversas lavurs internas – Plazzetta 24

Il Cussagl cumünal decida da dar il permiss da fabrica seguaintamaing:

1. Tenor la dumonda acclusa al permiss da fabrica (procedura d'annunzcha).
2. Il cumün inchascha seguainta taxa da trattamaint: fr. 50.--.

820 012 **EXECUTIVA**
Bainvgnü per nouvs abitants e novas abitantas

Il Cussagl cumünal decida, sün proposta da cusgliera Marianne Werro, d'organisar üna jada l'on ün aperitiv da bainvgnü per nouvs abitants e novas abitantas da Sent. In quist connex vain eir edit üna broschüra d'infuormaziun sur dal cumün la quala vain surdatta cul arriv dal abitant a Sent. Il prüm aperitiv ha lö in october.

821 300 **PROMOZIUN DA CULTURA**
Augmaint da la contribuziun da la Società da musica Sent

La Società da musica fa la dumonda d'augmantar la contribuziun annuala. Ella as dà gronda fadia da gnir aint culs mezs finansials per pajar il dirigent, trametter ils giuvenils a cuors da musica, far reperaturas e revisiuns d'instrumaints, cumprita d'instrumaints etc.. Il Cussagl cumünal s'es consciaint cha la musica imbellischa fich biers arrandschamaints in cumün.

Il Cussagl cumünal decida d'augmantar, congualond cun otras musicas illa regiun, la contribuziun annuala sün fr. 5'000.--.

822 740

SUNTERI E SEPULTÜRAS
Permiss per metter giò ün' urna

Tenor artichel 7 dal reglamaint da sepultüra e da sunteri es entrada üna dumonda da pudair sepulir ün'urna i'l sunteri da Sent. La persuna es creschüda sü a Sent. Il Cussagl cumünał decida da conceder il permiss. Ils cuosts per la sepultüra as drizzan tenor art. 1 (punct 2) da l'uorden da taxas da sepultüra.

Taxa da trattamaint: fr. 50.--

L'actuar: